

蓮修必讀

光緒丙戌



免費贈閱

蓮

修

江苏工业学院图书馆

藏書章

必

讀

隱名氏敬贈

普爲施資
讀誦回向偈曰

願以此功德 消除宿現業
增長諸福慧 圓成勝善根
所有刀兵劫 及與饑饉等
悉皆盡滅除 人各習禮讓
一切助成人 輾轉流通者
現眷咸安樂 先亡獲超昇
風雨常調順 人民悉康寧
法界諸含識 同證無上道

非賣品

蓮修必讀

佛曆二五四五年(二〇〇一年)
歲次辛巳年六月十九日
觀世音菩薩聖誕良辰敬印伍仟本普贈各界廣結法緣

▲此書免費贈閱▼

讀後如不作保存請轉送親友，十方
善信請珍惜，輾轉流通功德無量。

印贈者：隱名氏

承印者：宏大印刷製本公司
香港新界葵涌大連排道金龍
工業中心三期十二樓A座
電話：二四八七六三三七
傳真：二四二四一八〇九

印
光
大
師
法
聯

法門廣大普被三根因茲九界同歸
十方共讚

萬論均宣
佛願洪深不遺一物故得千經併闡

蓮修必讀自序

佛法粗言及細語。皆歸第一義。凡詩歌偈頌。皆洞明本宗。從大悲心中流出。依經立說。發揚念佛三昧無餘蘊矣。茲引導初機。借語明心。因言見道。道見則言亡。此所謂即文字而非文字。觀如屢見初修。未能閱淨宗諸典。又難於記誦。故將淨土中歌頌。已經目覽者。隨見隨錄。刻行以便讀誦。倘有尚於行持好略者。雖一言半偈。足可依從。以了生死也。我朝世宗憲皇帝。敕寒山大士詩雲。讀者或以爲俗語。或以爲韻語。或以爲教語。或以爲禪

語如摩尼珠。體非一色。處處皆圓。隨人目之所見。朕以爲非俗非韻。非教非禪。真乃古佛直心直語也。佛法如海。此書之選。如海中一滴。自愧法眼未明。不無有遺珠之憾。切不可以此爲究竟。亦不可因人微而藐此書。不觀曾見蕩益大師西齋詩讚。其略曰。以茲微妙勝伽陀。令我讀誦當參學。一讀二讀塵念消。三讀四讀染情薄。讀至十百千萬遍。此身已向蓮花托。亦愿後來讀誦者。同予畢竟生極樂。是爲序。

光緒丙戌年七月佛歡喜日觀如書於揚州藏經院

蓮修必讀

全唐詩

寒山大士

人生不滿百。常懷千載憂。自身病始可。又爲子孫愁。下
視禾根土。上看桑樹頭。秤鎚落東海。到底始知休。惡趣
甚茫茫。冥冥無日光。人間八百歲。未抵半宵長。此等諸
癡子。論情甚可傷。勸君求出離。認取法中王。可畏輪迴
苦。往復似翻塵。蟻巡還未息。六道亂紛紛。改頭換面孔。
不離舊時人。速了黑暗獄。無令心性昏。世有一等流。悠

悠似木頭。出語無知解。云我百不憂。問道道不會。問佛
佛不求。子細推尋著。茫然一場愁。自樂平生道。煙蘿石
洞間。野情多放曠。長伴白雲間。有路不通世。無心孰可
攀。石牀孤夜坐。圓月上寒山。大海水無邊。魚龍萬萬千。
遞互相食噉。冗冗癡肉團。爲心不了絕。妄想起如煙。性
月澄澄朗。廓爾照無邊。如許多寶貝。海中乘壞舸。前頭
失卻桅。後頭又無柂。宛轉任風吹。高低隨浪簸。如何得
到岸。努力莫端坐。人生在塵蒙。恰似盆中蟲。終日行遶
遶。不離其盆中。神仙不可得。煩惱計無窮。歲月如流水。

須臾作老翁。寒山出此語。復似顛狂漢。有事對面說。所以足人怨。心真出語直。直心無背面。臨死度奈何。誰是嘸囉漢。冥冥泉臺路。被業相拘絆。

上人心猛利。一聞便知妙。中流心清淨。審思雲甚要。下士鈍暗癡。頑皮最難裂。直待血淋漓。始知自摧滅。看取開眼賊。鬧市集人決。死屍棄如塵。此時向誰說。男兒大丈夫。一刀兩段截。人面禽獸心。造作何時歇。可歎浮生人。悠悠何日了。朝朝無閒時。年年不覺老。總爲求衣食。令人生煩惱。擾擾百千年。去來三惡道。勸你休去來。莫

惱他閻老。失脚入三途。粉骨遭千擣。長爲地獄人。永隔
今生道。免你信余言。識取衣中寶。世有多解人。愚癡徒
苦辛。不求當來善。唯知造惡因。五逆十惡輩。三毒以爲
親。一死入地獄。長如鎮庫銀。瞋是心中火。能燒功德林。
欲行菩薩道。忍辱護真心。老病殘年百有餘。面黃頭白
好山居。布裘擁質隨緣過。豈羨人間巧樣模。心神用盡
爲名利。百種貪婪進己軀。浮生幻化如燈燼。塚內埋身
是有無。

世人何事可吁嗟。苦樂交煎勿底涯。生死往來多少劫。

東西南北是誰家。張王李趙權時姓。六道三途事如麻。
只爲主人不了絕。遂招遷謝逐迷邪。
寒山頂上月輪孤。照見晴空一物無。可貴天然無價寶。
埋在五陰溺身軀。

又

拾得大士

嗟見世間人。箇箇愛喫肉。椀櫟不曾乾。長時道不足。昨
日設箇齋。今朝宰六畜。都緣業使牽。非千情所欲。一度
造天堂。百度造地獄。閻羅使來追。合家盡啼哭。鑪子邊
向火。鑊子裏澡浴。更得出頭時。換卻汝衣服。閉門私造

罪準擬免災殃。被他惡部童抄得報閻王。縱不入鑊湯。
亦須臥鐵床。不許雇人替。自作自身當。三界如轉輪。浮
生若流水。蠢蠢諸品類。貪生不覺死。汝看朝垂露。能得
幾時子。

古佛路淒淒。愚人到卻迷。只緣前業重。所以不能知。欲
識無爲理。心中不掛絲。生生勤苦學。必定睹吾師。

和寒山詩

楚石禪師

無始墮蒼茫。何由發智光。人間憂日短。地下恨時長。萬
水朝東溟。衆星拱北極。悠悠天地間。畢竟承誰力。今時

學道人。未困先疲極。無量劫修行。皆由勇猛力。舌是興亡本。心爲福禍根。萬般皆自造。誰謂屬乾坤。種福如種木。種德如種穀。所積旣已多。所須無不足。當求早成佛。自具出世福。福德在世間。徒然長三毒。往往昏如醉。區區喚不回。都忘許大事。眞箇是癡獸。安危自業招。禍福非天降。臨死壞爛時。不如豬狗相。

萬善先資

周思仁

仁列五常首。慈居萬德先。皇哉三教論。異口若同宣。人人愛壽命。物物貪生全。雞見庖人執。驚飛集案前。豕聞

屠價售。雨淚涌如泉。方寸原了了。祇爲口難言。驀受刀
砧苦。腸斷命猶牽。白刃千翻割。紅爐白沸煎。炮烙加彼
體。甘肥佐我筵。此事若無罪。勿畏蒼蒼天。古來生殺報。
往復如轆旋。吾昔弱冠時。目擊生哀憐。蒐羅今昔事。將
盈數萬言。誓拔三途苦。此志久愈堅。

家政

濁世慈祥門第。天宮福祉加臨。曾聞一善敵災星。何況
恩施多命。祖父堅持殺戒。子孫方有觀型。莫將細物
視爲輕。試就芻蕘一聽。

慶賀

人類欣逢吉事。衆生對泣哀鳴。微軀定是盲家賓。一夜
千翻凜凜。誰料業緣會遇。冤家次第相尋。披毛戴角
口無聲。俛首牽來就刃。

婚嫁

兩姓姻緣乍合。百年偕老茲辰。重重瑞氣藹門庭。鼎鑊
烹飪侈盛。堪歎雌雄物類。亦同夫婦恩情。只緣宿世
少慈心。今日雙雙填命。

喪祭

笑語音容不再。秋霜春露含悲。擊鮮薦俎望魂歸。增卻重泉孽累。孰若申嚴佛事。虔修五戒三歸。亡親未度。子心虧。此語當銘五內。

器用

吾視閭浮器皿。炎天盡伏昆蟲。朔風一起轉成空。不待嚴寒冰凍。但是含靈尚在。貪生畏死皆同。莫言救護了無功。大小一般知痛。

衛生

穀氣足以資神。肉味不宜多食。萬病原來從口入。此理

貪夫不識。但顧舌根三寸。不念身軀七尺。真是堪憐。不堪惜。累及妻孥哭泣。

方便

天上人間勝事。勤修方便爲先。今年錯過待明年。可惜光陰荏苒。日裏云爲動靜。宜思裕後光前。護生之術本無邊。惟在隨機自勉。

言語

禽獸臨刑片刻。哀號最屬堪憐。霜刀沸水在其前。一語無由置辨。想是宿生在世。口中不發嘉言。君今日擊